

آبونه سرائطی

ممالك عثمانیه ده سنه لکی (۳۵) ، التي
آیلغی (۳۵) غروشدرد .
ممالك اجنبیه ده سنه لکی (۱۷) ، التي
آیلغی (۹) فر تقدرد .

اداره خانه

باب عالی حاده سنده ورخان بک خاننده
نومرو ۲۳-۲۶

اضطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ایدیامه یں یازیلر
احاده اولومدار .

~~~~~

# الکشاف

سر ۱۳۳۰

## اضطارات

رساله مزیدن آلدیغو کور قرائک شهر طریقه  
بتون . زایلر هر هانکی رغزته طرفندن  
اقتباس اولونه یییر .

§

مکتوبلرک ، امضالرک واضح و  
اورقوناقلی اولسی و آبونه صوره  
نومروسی محتوی بولونسی لازمدرد .

§

ممالك اجنبیه بجهون آبونه اولانلرک  
آدر - لرینک قرائسز ده یازیلر  
رجا اولنور .

§

اون آبونه قید ایدن ذاته بر آبونه  
مجاناً تقدیم اولنور .

~~~~~

اتبعون اهدکم سبیل الرشاد

دینی ، علمی ، ادبی ، سیاسی هفته لق جموعه اسلامیه در

والله یهدی من یشاء الی صراط مستقیم

صاحب و مدیر مسئول : ع . اشرف ارباب

جلد ۲ - ۹

۲۱ ربیع الاول ۱۳۳۱ پنجشنبه ۱۴ شباط ۱۳۲۸

عدد ۵۱ - ۲۳۳

برق اتولیکک تجاوز بی ادبانه سی

عثمانی مطبوعات و طلبه سنک غلیانی

فرانسه ده اکیال تحصیل ایتکده بولونان عثمانی طلبه سندن احمد ثروت ک « تصویر افکار » غزه سنه بر مکتوب کوردیور ؛ بومکتوبده ۷ شباط ۱۹۱۳ ده فرانسه نک (قله رمون - فهران) درالقوننده ادبیات شعبه سی مدیری (ده دویس دوده ژر Des sousise du degér) ک بالقانلر حربنه دائر و یردیک ر قونفرانسه تورکار و اسلاملر علیهنده کی تجاوزات بی ادبانه سندن شوققره لری نقل ایدیور :

« حیرت ایدلم، تقدیر ایدلم . انسانیت شیمدی به قدر بودرجه علوی، مقدس ، شانی و ملی برحرب ؛ خرسیتانلق عالم مدنی (!) بوقدر الهی ، فداکار و معزز براهل صلیب حربی کورمه دی . صلیبک هلالی بوقدر شانی بر موفقیته نه زوب چکینه دیکنی هنوز بشریت سیر ایتهمشدی !... »

« مدنی اوروپانک ، بالخاصه مدنی فرانسه نک (وظیفه) سی ؛ - ترکار غالب کلسه لرده ، مغلوب اولسه لرده - بالقان دول متفقه سی ایله توحیدمساعی ایتک ، اولرله برابر تورکار اوزرینه یورومک ، بوآسیائی وحشی قاتلری اوروپادن قوغوب دفع ایلک ایدی . اوروپا دیپلوماسیسی صوک زمانده بو وظیفه سنی تقدیر ایتدی ، فقط مدنی اوروپاده یاشایان بعض باربارلرک (خطیب بوجه ایله آلمانلری مراد ایدیور) ممانعتیه استابولده کی مداخله سنی فعلی برصورتده نتیجه ندرمه دی ، پک یومشاق و بچریکسر طاووزاندی !... »

« یونانلیر - سلاویک ، بالقانلرده کی صوک کنج تورک مظلومه منع اولان بوشهره قدر کمال شان و شرفله تورکاری نه زنه زه ، (!) یورودیورلر شیمدی اوراده صلیب توج ایدیور . بلغرلر « ادرنه » ؛ اوروپا قطعه سننده تورلکک و اسلاملرک صوک انقازی اولان بوشهر اوکنده خارقه (!) لر کوستریورلر .. »

« اسکی تورک ؛ اجهل ، تنبل ، مسکین پیس ، شهوتپرست و خرسزدر . کنج ترک ایسه اجهل ، تنبل ، مسکین ، کبرلی ، خرسز ، شهوتپرست و فضله اولارق سرخوشدر . »

« ترک ؛ آسیائی فطرتیه ، وحشی و قاتلدر . تورک ؛ ادیان موجوده نک اشاعیق ، اک عادی بر شکلی اولان دین اسلام ایله متدیندر . »

« تورکک بر چوق قاریسی واردر . تورک قاری بی کوپک کبی قولانیر ، تورکده عائله فکری ، عائله حسی یوقدر . »

« تورک ؛ اول تورک و صکره اسلام اولسی اعتباریه ؛ مملکتی اداره ایت ؛ مدنیتهک اک آشای مرتبه سنه یتشمک ، انسان اولیق قابلیت واستعدادندن قطعاً محرومدر . »

« تورک ؛ دوشونه بیله جککیز بتون فناقلری جامعدر . »

« بلغارلرک ، صربلرک ، یونانلرک و قره طساغلیرک محاربه اثناسنده یاپدقلری ادعا ایدیلن مظلوم طوغرو و حقلیدر . اولر عصرلرجه بویوندورغی آلتنده ایکله دکاری تورکره .. چوققلرینی ، قارده شلرینی ، همشیره لرینی کسهن آسیا وحشیلرینه .. (نیش) ده صرب کلسندن مدهش برقله وجوده کترین قاتلره اسکی ظلم وحشتلرینی اعاده ایتکدن بشقه بر شی یاپمایورلر ! »

بومکتوبک انتشاری مطبوعات عثمانیه ده فوق العاده غلیانی موجب

اولدی . غزه ته زده متعدد مقاله لر یازیلدی ، هرکس بر چوق سوزلر سوله دی .

فقط بودرجه ابدن محروم بر حریفه قارشو سوزله مقابله ده بولونم یی معناسز

و کوچولک عد ایدن عبدالرشید ابراهیم افندی حضرتلری تصویر

تفویض ایدلسی یوزندن اللمنر باغلانه رق بسله دیکمز آمال ترقی واصلاتک هر وقت عامته دوچار ایدلمسندن ایلری کلکده در . اعتراف ایدرزکه : مدرسه لردن یتیمه نلر نه لسانه ، نه علوم اسلامییه ، نه ده سائر فنونه لایقیله واقف اوله میورلر ؛ فقط شو خصوصه ده اشهاد ایدرزکه : شمدیکی پروگرام موجبجه بر از صرف ونحو او قوقله لسان اوکرتمک ، بر از متن و شرح کورمکه عالی درجه ده علوم اسلام تحصیل ایتک ، سنه دی آی و هفته ده بر کون او قونمق اوزره علوم ریاضیه و طبیعی و سائریه ولو مبادی درجه سنده وقوف پیدا ایتک ، صکرده بونلرک هپسنی اون اون ایکی سنه یه صیغشدرمق دنیانک هیچ بر طرفنده مترقی اقوامک هیچ برنده کورلمک کولونج ایتسدرنددر . اعتراف ایدیورزکه : شوبی چاره ملت بوضرورتیه برابر یالکیز استانبول مدرسه لرنده فنون حاضره تحصیلی ایچون آید « ۴۰۰۰۰ » غروش و برمکدن چکنمیور ؛ فقط بو پارله ملتهک آرزوسی وجهله طلبه علومه اک مستحسن طرزده تعلیم فنون ممکن ایکن و اسفاکه چاره سی بوله میوب طلبه تحصیلندن ، ملت ارزوسندن محروم راقیلیور . اعتراف ایدلمکه : ملت بزدن شو دورحریتده پک چوق فداکارلقلر ، یرارلقلر بکلردی ؛ لکن شوراسنه اشهاد ایدلمکه : بز دوشدیکمز کرداب عقامتدن ، شو قرون وسطی پروگرامی تعقیبدن بر کره قورتاریلام ، او وقت ملتهک قلبنک اک درین کوشه لرنده نه قدر آرزوی دیندارانه ، نه قدر آمال ترقی پرورانه وار ایسه هپسنک استحصانه قدرت صمدانیه نک بزه بخش ایتدکی قونک مساعد اولدینی حدودک صوک درجه سنه قدر چالیشیرز .

محروم افندی شورالری ده کندیلرینه اخطار ایتمکه کزه مساعده بیورسونلرکه هر ملتهک رجال دیاتی عسکرلری ، عالملری ، حاکملری کبی اوملتهک حسابنه یشارلر و اوملته بارکران کلزلر ، چونکه موجود دیتلری اوملتهک وحدت و موجودیتنه وقف ایداشدر ؛ و هیچ بر خواجه عسکرلکی کندیلرینک تلقی ایتدکی کبی اعدامه محکوم اولمش کیمسه لرک سیاستکاهی عد ایتمز ؛ بلکه عسکرلک خواجه لر نظرنده ادامه موجودیت ایچون خارجی تجاوزه قارشو مقاومت ابراز ایتک و بشریتی استعدادنده مرکوز اولان تکملات روحانییه مظهر ایلک ایچون اعلائی کلمه الله اوغورنده فدای نفس ایتمکدر .

عسکر نه در ؛ دین و دولت ، ملک و مات یولنده هم قانی ، هم جانی فدا ایدن بر انسان !

بانیبر درسام مدرسه لرنده :

دارنده لی	آیاشلی	اشرف افندی زاده	ارمناکلی	قزانی
محمد سید احمد صمدی	شوکتی	مصطفی صفوری	هرات هارم	
صوفیولی	دارنده لی	قره حصارلی	المالیل	اسپری
احمد خاوری	خالد	عارف	محمد فخری	ادریس سید